



**ՀԱՅԱՍՏԱՆԻ ՖԻԶԻԿԱԿԱՆ ԿՈՒԼՏՈՒՐԱՅԻ ԵՎ ՍՊՈՐՏԻ ՊԵՏԱԿԱՆ ԻՆՍՏԻՏՈՒՏԻ  
ԱՌԱՋԻՆ ԿՈՒՐՍԻ ՈՒՍԱՆՈՂՆԵՐԻ ՄԱՍՆԱԳԻՏՈՒԹՅԱՆ ԸՆՏՐՈՒԹՅԱՆ  
ԴՐԴԱՊԱՏՃԱՌՆԵՐԻ ԵՎ ԿՐԹԱԿԱՆ ՄԻՋԱՎԱՅՐԻ ԲԱՐԵԼԱՎՄԱՆ ՎԵՐԱԲԵՐՅԱԼ  
ՀԱՐՑՄԱՆ ԱՐԴՅՈՒՆՔՆԵՐԻ ՎԵՐԼՈՒԾՈՒԹՅՈՒՆ**

## Բովանդակություն

ՆԵՐԱԾՈՒԹՅՈՒՆ.....	3
ՀԱՐՑՄԱՆ ԱՐԴՅՈՒՆՔՆԵՐԻ ՎԵՐԼՈՒԾՈՒԹՅՈՒՆ.....	4
ԵԶՐԱԿԱՑՈՒԹՅՈՒՆՆԵՐ .....	13
ԱՌԱՋԱՐԿՆԵՐ .....	14

## ՆԵՐԱԾՈՒԹՅՈՒՆ

«Հայաստանի ֆիզիկական կուլտուրայի և սպորտի պետական ինստիտուտ» հիմնադրամը (այսուհետ՝ ՀՖԿՍՊԻ), հետամուտ լինելով իր մատուցած կրթության և ուսումնաօժանդակ ռեսուրսների որակի բարելավմանը, նախաձեռնել է ամենամյա հարցում 2023-2024 ուսումնական տարվա առաջին կուրսի ուսանողների շրջանում բուհի և մասնագիտության ընտրության դրդապատճառները, քննական և ընդունելության գործընթացից վերջիններիս բավարարվածության աստիճանը ուսումնասիրելու և վերլուծության հիման վրա քայլեր ձեռնարկելու համար:

### **1 . Հետազոտության նպատակը**

2023-2024 ուսումնական տարվա առաջին կուրսի ուսանողների հետ Որակի ապահովման բաժնի (այսուհետ՝ ՈԱԲ) կողմից իրականացված հարցումը նպատակ է ունեցել պարզելու ուսումնառողների՝ ՀՖԿՍՊԻ-ում սովորելու որոշման վրա ազդող գործոնները, բացահայտել տվյալ մասնագիտության ընտրության դրդապատճառները, վերհանել ուսանողների կրթական ակնկալիքներն ու սպասումները՝ արժևորելով կրթական միջավայրի բարելավման առաջնահերթությունները նրանց տեսանկյունից:

### **2. Հետազոտության ընտրանքը և մեթոդաբանությունը**

Հետազոտության ընտրանքի հաշվարկի համար օգտագործվել է համապատասխան [առցանց հաշվիչ](#): Վերջինս թվով 350 առաջին կուրսեցիների քանակի համար, 90% վստահության միջակայքի և 6% սխալի սահմանի պայմաններում (պատասխանների բաշխման 50% ցուցանիշի համաձայն) հաշվարկել է պահանջվող ընտրանքի չափից (123) մի փոքր ավելին՝ 125 ուսանող:

Հարցումն իրականացվել է առցանց տարբերակով՝ անանունության սկզբունքով: Հարցաշարը ներառում է 17 հարց, որից մեկը՝ բաց: 6,7,8,12 և 14-րդ հարցերի համար հնարավոր է ընտրել պատասխանի մի քանի տարբերակ, այդ իսկ պատճառով դրանց տոկոսային հանրագումարը գերազանցում է 100%-ը:

## ՀԱՐՑՄԱՆ ԱՐԴՅՈՒՆՔՆԵՐԻ ՎԵՐԼՈՒԾՈՒԹՅՈՒՆ

2023-2024 ուսումնական տարում ինստիտուտ է ընդունվել 351 ուսանող: Սույն հետազոտությանը մասնակցել են ՀՖԿՄՊԻ-ի 125 առաջին կուրսեցի՝ Մարզչամանկավարժական (այսուհետ՝ ՄՄ) ֆակուլտետից 81 և Առողջարարական տեխնոլոգիաների, սպորտային տուրիզմի և կառավարման ֆակուլտետից (այսուհետ՝ ԱՏՏՍԿ)՝ 44 ուսանող (տե՛ս Աղյուսակ 1):

Աղյուսակ 1

Ֆակուլտետ	Ընդունված ուսանողների քանակ	Հարցմանը մասնակցած ուսանողների քանակ	Տոկոսային հարաբերակցություն
Մարզչամանկավարժական ֆակուլտետ	271	81	30%
Առողջարարական տեխնոլոգիաների, սպորտային տուրիզմի և կառավարման ֆակուլտետ	80	44	55%
<b>ԸՆԴՀԱՆՈՒՐ</b>	<b>351</b>	<b>125</b>	<b>35,6%</b>

Այսպիսով, թեև հարցումն իրականացնելու համար կապ է հաստատվել երկու ֆակուլտետների բոլոր կուրսերի ավագների հետ, սակայն Մարզչամանկավարժական ֆակուլտետում հարցման մասնակցայնությունը 20%-ով քիչ է նախատեսված ներկայացուցչական ցուցանիշներից:

Հարկ է նաև նշել, որ առաջին կուրսի ուսանողները դեռ չեն պատկերացնում իրենց ֆակուլտետային պատկանելիությունը և նրանց հստակ թիվը հնարավոր է եղել ճշգրտել կրթական ծրագրերի միջոցով: Սա, թերևս, փաստում է, որ առաջին կուրսի ուսանողներին հարկավոր է ավելի լավ իրազեկել իրենց կրթական համակարգի մասին:


Ըստ ամբիոնների՝ բուհ ընդունված ուսանողների և հարցման մասնակիցների թվային տվյալները ներկայացված են Աղյուսակ 2-ում:

Աղյուսակ 2

№	Մասնագիտության կրթական ծրագրեր	Բուհ ընդունված ուսանողների թիվ	Հարցման մասնակից ուսանողների թիվ	Տոկոսային հարաբերակցություն
1	«Ֆիզիկական դաստիարակություն և սպորտային մարզումներ»	321	106	33%
2	«Առողջարարական ֆիզիկական կուլտուրա՝ կինեզիոլոգիա»	26	16	63%
3	«Լրագրություն»	4	3	75%

Հարցմանը մասնակցության ամենաբարձր ցուցանիշը գրանցվել է «Լրագրություն» (75%) և «Առողջարարական ֆիզիկական կուլտուրա՝ կինեզիոլոգիա» (63%) կրթական ծրագրով ուսումնառողների մոտ: Հարցմանը մասնակցության ամենացածր ցուցանիշը եղել է «Ֆիզիկական դաստիարակություն և սպորտային մարզումներ» կրթական ծրագրում՝ 33%: Կարևոր ենք համարում այս ցուցանիշների համեմատության ներկայացումը, քանի որ ուսման առաջին տարում ուսանողների ցուցաբերած ակտիվությունը կարող է պատկերացում ստեղծել հետագայում ուսումնական գործընթացներում նրանց ներգրավվածության մասին:


Գծապատկեր 1



Հարցման մասնակիցների 40 %-ը Երևանից է, որին հաջորդում է Արագածոտնի մարզը (տե՛ս Գծապատկեր 1):


**Հարց 6. Ինչպե՞ս եք իմացել ինստիտուտի մասին:**

Գծապատկեր 2



Ինչպես ցույց են տալիս ՈԱԲ ամենամյա հարցումները, բուհի մասին իրազեկումը պաշտոնական գործիքների միջոցով տեսանելի ազդեցություն չի ունենում դիմորդների շրջանում: Թեև բուհի մատուցած կրթության, կրթական ծրագրերի, առկա ռեսուրսների, կարիերայի հնարավորությունների և ուսումնառության մյուս գործընթացների վերաբերյալ հավաստի տեղեկություն կարելի է ստանալ միայն պաշտոնական աղբյուրներից, սակայն առաջին կուրսի հարցված ուսանողների միայն 6%-ն է իրազեկվել բուհի մասին ՀՖԿՍՊԻ կայքէջից (տե՛ս Գծապատկեր 2): Նրանց 4%-ը Ինստիտուտի մասին իմացել է բուհի կողմից կազմակերպվող մասնագիտական կողմնորոշման ներքին և արտագնա այցերի, իսկ 2%-ը՝ բուհի կատարած ճանաչողական այցերի շնորհիվ:

**Հարց 7. Ինչո՞ւ եք ընտրել ՀՖԿՍՊԻ-ն:**




Բուհի ընտրության հարցի դրդապատճառները կարևոր նշանակություն ունեն ուսանողի կրթական հետագծի ուսումնասիրման համար: Այս առումով նշանակալի է, որ հարցվածների մեծամասնությունը իրականացրել է գիտակցված ընտրություն: Նրանց գրեթե 38%-ը բուհն ընտրել է, քանի որ այստեղ կա իրեն հետաքրքրող

մասնագիտությունը, 23%-ը՝ որպեսզի մարզիչ դառնա, 22%-ը՝ որպեսզի զարգանա որպես մարզիկ (տե՛ս Գծապատկեր 3):

Հարցվածների միայն 2-ական տոկոսն են բուհն ընտրել այստեղ հեշտ ընդունվելու և/կամ սովորելու համար:

**Հարց 8. Ինչո՞ւ եք ընտրել տվյալ մասնագիտությունը:**




Մասնագիտության ընտրության հարցում ստացված պատկերը ևս փաստում է այն մասին, որ հարցմանը մասնակցած ուսանողների գերակշիռ մասը բուհ դիմել է իրեն հոգեհարազատ/ իր երազած (83%) մասնագիտությունը ստանալու համար (տե՛ս Գծապատկեր 4): Ինստիտուտում գործող ուսման վարձավճարների չափը էական դերակատարում չի ունեցել մասնագիտության ընտրության հարցում:

Հատկանշական է, որ կան նաև այնպիսի ուսանողներ, ովքեր նույնիսկ ուսումնառության ընթացքում չեն հստակեցրել իրենց մասնագիտական նախասիրությունները և նշում են, որ տվյալ մասնագիտությունը ընտրել են պատահաբար (հարցվածների 4%-ը՝ ՖԴՍՄ կրթական ծրագրից):

**Հարց 9. Գնահատեք ընդունելության քննություններ բարդությունը:**

Գծապատկեր 5




Հատկանշական է, որ թեև ՖԴՄ կրթական ծրագրի ընդունելության նորմատիվները վերանայվել են ու հեշտացվել, սակայն ընդունելության քննությունների մուտքային պահանջները հարցման մասնակիցների մեծամասնության կողմից գնահատվում է «միջին»՝ 69%: Ընդունելության քննությունները շատ հեշտ են համարել հարցվածների 6%-ը, իսկ հեշտ՝ 18%-ը:

Ընդունելության քննությունները հեշտ կամ շատ հեշտ են համարել մեծամասամբ ՖԴՄ կրթական ծրագրի «Փրկարար գործ» (6 հոգի), «Բռնցքամարտ» (5 հոգի) և «Ֆուտբոլ» (4 հոգի) մասնագիտացմամբ ընդունված ուսանողները: Հետաքրքրական է, որ սրանք այն մասնագիտություններն են, որտեղ մշտապես գրանցվում են ընդունելության բարձր ցուցանիշներ:

**Հարց 10. Գնահատեք ընդունող հանձնաժողովի աշխատանքը (փաստաթղթերի ընդունում, հարցալից վերաբերմունք, հարցերի պատասխաններ, քննության կազմակերպում):**


Գծապատկեր 6



Ընդունող հանձնաժողովի աշխատանքը հարցված առաջին կուրսեցիների գերակշիռ մասը լավ (44%), շատ լավ (27%) և գերազանց (22%) է գնահատել:

### Հարց 11. Աշխատում եք այժմ:

Գծապատկեր 7




Ուսանողների հաճախելիության համար կարևոր նախապայման է աշխատանքային զբաղվածությունը: Հարցմանը մասնակից առաջին կուրսի ուսանողների գրեթե 40%-ը աշխատում է, իսկ 52 %-ը ցանկություն ունի աշխատելու (տե՛ս Գծապատկեր 7): Սա նշանակում է, որ աշխատելու և/կամ աշխատանքի անցնելու հանգամանքը կարող է նպաստել ուսանողների վատ հաճախելիությանը:


Նշենք, որ, ըստ հարցվածների տված պատասխանների, առաջին կուրսում մասնագիտական զբաղվածություն ունեն հիմնականում ՖԴՍՄ կրթական ծրագրի (ֆուտբոլ) ուսանողները:

### Հարց 12. Ուսուցման ավարտին ի՞նչ կցանկանաք ձեռք բերել:

Գծապատկեր 8




Ինչպես վերջին 4 ուսումնական տարիներին, այս տարի ևս առաջին կուրսեցիների համար ուսումնառության ակնկալելի վերջնարդյունքն ավարտելուց հետո մասնագիտությամբ աշխատելու համար անհրաժեշտ գիտելիքների ձեռքբերումն է՝ 31% (տե՛ս Գծապատկեր 8): Սակայն, մտահոգիչ է, որ ուսման ավարտին պարզապես մասնագիտական դիպլոմ ստանալ ցանկացողների թիվը տարեցտարի աճում է (ցուցանիշների համեմատականը՝ ըստ ուստարիների տե՛ս Գծապատկեր 9):



Հարկ է նշել, որ 2023-2024 ուստարում ևս պարզապես դիպլոմ ստանալու համար ՀՖԿՍՊԻ ընդունված ուսանողների քանակը մեծ է հատկապես ՖԴՍՍ կրթական ծրագրի «Փրկարար գործ», «Բռնցքամարտ» և «Ֆուտբոլ» մասնագիտացումների ուսանողների դեպքում՝ համապատասխանաբար հարցվածների 40%, 33%, 32%:

**Հարց 13. Բուին ավարտելուց հետո պատրաստվո՞ւմ եք աշխատել Ձեր ընտրած մասնագիտությամբ:**


Գծապատկեր 10



Հարցման մասնակիցները հիմնականում նշում են, որ բուին ավարտելուց հետո պատրաստվում են աշխատել իրենց մասնագիտությամբ (տե՛ս Գծապատկեր 10): Հարցված ուսանողներից միայն երեքը («Վոլեյբոլ», «Բասկետբոլ», «Մարզական լրագրություն») չեն ցանկանում աշխատել իրենց մասնագիտացմամբ:

**Հարց 14. Որտե՞ղ եք պլանավորում աշխատել բուին ավարտելուց հետո:**

Գծապատկեր 11




Այս հարցն ուսանողներին տրվել է հասկանալու համար՝ արդյոք նրանք նպատակ ունեն աշխատել իրենց մասնագիտությամբ (տե՛ս Գծապատկեր 11): Սակայն, միևնույն

ծամանակ, քիչ չէ այն ուսանողների թիվը, ովքեր դեռևս չեն պատկերացնում իրենց մասնագիտական գործունեությունը՝ հարցվածների 20%-ը: Հարցմանը մասնակցած ուսանողների 15%-ը նշել է, որ ցանկանում է զբաղվել սեփական բիզնեսով՝ հիմնականում «Առողջարարական ֆիզիկական կուլտուրա՝ կինեզիոլոգիա» կրթական ծրագրի և «Ֆուտբոլ» մասնագիտացմամբ ուսումնառողները:

**Հարց 15. ՀՖԿՍՊԻ-ում ուսումը կնպաստի՞ աշխատելՁեր նախընտրած մասնագիտությամբ:**


Գծապատկեր 12



Հատկանշական է, որ հարցվածների մեծ մասը վստահ է, որ բուհում ուսումնառելու է աշխատել նախընտրած մասնագիտությամբ (տե՛ս Գծապատկեր 12):

**Հարց 16. Ո՞ւմ եք դիմում ուսման հետ կապված դժգոհություններ կամ առաջարկներ ունենալու դեպքում**

Գծապատկեր 13



Հարցումից պարզ է դառնում, որ ուսանողներն իրենց հարցերով հիմնականում դիմում են ամբիոնների վարիչների և դասախոսներին (տե՛ս Գծապատկեր 13): Այս

պատկերը պայմանավորված է այն հանգամանքով, որ առաջին կուրսում վերջիններիս շփման շրջանակը դեռ ընդլայնված չէ դեպի ուսանողական կառույցներ կամ ուսումնաօժանդակ այլ բաժիններ: Հատկանշական է, որ իրենց հուզող հարցերով ու կրթական կարիքներով Ուսանողական խորհրդին և համակուրսեցիներին դիմող ուսանողների թիվը բաշխվել է գրեթե հավասարաչափ:

**Հարց 17. Ի՞նչ դժգոհություններ կամ առաջակներ ունեք Ձեր ուսման հետ կապված:**

2023-2024 ուսումնական տարվա առաջին կուրսի ուսանողները դեռևս դժգոհություններ կամ առաջարկներ չունեն: Որոշ ուսանողներ խնդրել են վերանայել կրթաթոշակների չափը:

### ԵԶՐԱԿԱՑՈՒԹՅՈՒՆՆԵՐ

ՀՖԿՍՊԻ-ի առաջին կուրսի ուսանողների հետ անցկացված հետազոտության արդյունքների վերլուծությունից պարզ է դառնում, որ՝ Ինստիտուտի գործունեության, բուհում իրականացվող կրթական ծրագրերի վերաբերյալ դիմորդները շարունակում են տեղեկանալ ընկերներից ու ծանոթներից (59%), իսկ բուհի ընտրության հիմնական պատճառը մնում է հետաքրքրող (38%) և հոգեհարազատ (58%) մասնագիտությանը նախապատվությունը տալը:

ՀՖԿՍՊԻ ընդունվածների 39%-ն աշխատում է, իսկ 52%-ն ունի աշխատելու ցանկություն: Թեև ուսման ավարտին ուսանողների մեծամասնությունը ցանկանում է ստանալ մասնագիտությամբ աշխատելու համար անհրաժեշտ գիտելիքներ (31%), սակայն տարեցտարի աճում է մասնագիտական դիպլոմ ձեռքբերելու ցանկությամբ բուհ ընդունվածների թիվը (26%): Բուհն ավարտելուց հետո ուսանողների մեծամասնությունը՝ 65%-ը, պատրաստվում է աշխատել իր ընտրած մասնագիտությամբ: Նրանց հիմնական մասը ցանկություն ունի ավարտելուց հետո աշխատել մարզական կամ սպորտային կառույցներում (24%), իսկ 72%-ը համոզված է, որ բուհում ուսումնառությունը կնպաստի նախընտրած մասնագիտությամբ աշխատանք գտնելուն: Ուսումնառության հետ կապված հարցերի կամ առաջարկների դեպքում առաջին կուրսի ուսանողները դիմում են դասախոսներին (26%) կամ ամբիոնների վարիչներին (25%):

Ուսումնասիրելով բացասական պատասխանների հետագիծը տարբեր հարցերի շուրջ՝ վեր հանվեց պատկեր, ըստ որի այն մասնագիտացումներում, որոնց առավել մեծ թվով ուսանողներ են դիմել («Փրկարար գործ», «Բնցքամարտ» և «Ֆուտբոլ»), առաջին

կուրսեցիները բուհի ընդունելության քննությունները որակել են հեշտ կամ շատ հեշտ և բուհ եկել են հիմնականում դիպլոմ ստանալու համար (համապատասխանաբար հարցվածների 40%, 33%, 32%):

## ԱՌԱՋԱՐԿՆԵՐ

- ✓ Հաշվի առնելով այն հանգամանքը, որ տարիներ շարունակ ուսանողները ՀՖԿՍՊԻ մասին տեղեկանում են իրենց ծանոթներից, բարեկամներին ու բուհում սովորող ընկերներից՝ անհրաժեշտ է վերանայել ու զանազանեցնել բուհի մասին իրազեկելու գործիքակազմը՝ չսահմանափակվելով տարեկան մի քանի իրազեկման այցով:
- ✓ Քանի որ բուհ նոր ընդունված ուսանողներից շատերը դեռ տեղյակ չեն իրենց ֆակուլտետի, ուսումնաօժանդակ կառույցների, ապագա կարիերայի հնարավորությունների մասին, հարկ է իրականացնել տեղեկատվական օրեր 1-ին կուրսեցիների համար, որոնց ընթացքում մանրամասնեցված կներկայացվեն ուսումնաօժանդակ կառույցները, դրանց դիմելու ընթացակարգերը, ուսման ընթացքում ուսանողների իրավունքներն ու պարտականությունները, բուհի ընձեռած հնարավորություններն (կրթաթոշակ, շարժունության ծրագրեր, մրցաշարեր, փոխանակման ծրագրեր, լրացուցիչ կրթություն և այլ) ու ուսման ավարտին աշխատանքի ու կարիերայի հնարավորությունները:
- ✓ Հաշվի առնելով ՈԱԲ իրականացրած հարցումների արդյունքում դուրս բերած խնդիրների և առաջարկների կարևորությունը՝ անհրաժեշտ է մեծացնել ամբիոնների աջակցությունը ՈԱ բաժնին հարցումներին ավելի մեծ մասնակցություն ունենալու և որոշ ամբիոնների անտարբերությունը նմանօրինակ միջոցառումներին բացառելու համար:
- ✓ Որպես գործընկեր բուհ ներգրավել ոլորտային այնպիսի գործատուների, որոնք կապահովեն ճկուն գրաֆիկով աշխատատեղեր ուսանողների համար՝ նվազագույնի հասցնելով կրթությանը զուգահեռ աշխատելու դժվարությունները: